



Broj: UP09-07-1-2386/21  
Sarajevo, 27.12.2021. godine

Ministarstvo pravde Bosne i Hercegovine, rješavajući Zahtjev PMI Udruženja u Bosni i Hercegovini, iz Sarajeva, ulica Jukićeva broj 36, u predmetu upis promjena u Registru udruženja, na osnovu člana 43. stav 2. Zakona o udruženjima i fondacijama Bosne i Hercegovine («Službeni glasnik BiH», br. 32/01, 42/03, 63/08, 76/11 i 94/16) i člana 4. stav (1) Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija («Službeni glasnik BiH», broj 68/18), d o n o s i

### RJEŠENJE

- U Registru udruženja Ministarstva pravde Bosne i Hercegovine, kod PMI Udruženja u Bosni i Hercegovini, iz Sarajeva, ulica Jukićeva broj 36, upisanog pod registarskim brojem: 1541, Knjiga I Registra, dana 6.2.2014. godine, upisuju se promjene, kako slijedi:
  - Upisuju se Vojislav Čeklić, predsjednik Udruženja i Rešad Rovčanin, potpredsjednik Udruženja, za zastupanje Udruženja u pravnom prometu.
  - Imenovanje predsjednice Skupštine Udruženja.
  - Imenovanje članova Upravnog odbora Udruženja.
- Ovo Rješenje će se objaviti u „Službenom glasniku BiH“, o trošku podnosioca zahtjeva.

### Obrazloženje

PMI Udruženje u Bosni i Hercegovini, iz Sarajeva, ulica Jukićeva broj 36, upisano je u Registar udruženja pod registarskim brojem: 1541, Knjiga I Registra, dana 6.2.2014.godine.

Podnositelj Zahtjeva je 18.10.2021. godine podnio Zahtjev za upis promjena u Registru udruženja ovog Ministarstva.

Uvidom u priloženu dokumentaciju, Ministarstvo je utvrdilo da zahtjev nije potpun, te da sadrži nedostatke i nepravilnosti zbog kojih nije moguće izvršiti upis u Registar udruženja. Ministarstvo je aktom broj: UP09-07-1-2386/21 od 21.10.2021. godine zatražilo ispravku i dopunu zahtjeva.

Podnositelj Zahtjeva je podnescima od 22.11., 17.12. i 23.12.2021.godine izvršio izmjene i dopune zahtjeva, te uz Zahtjev priložilo slijedeću dokumentaciju: Zapisnik sa sjednice Skupštine Udruženja od 4.9.2021. godine; Odluku o imenovanju organa Udruženja od 4.9.2021.godine sa ovjerenim potpisima i kopijama lični karata imenovanih osoba, te dokaz o uplati administrativne takse.

Uvidom u priloženu dokumentaciju utvrđeno je da su ispunjeni uslovi propisani članom 43. stav 2. Zakona o udruženjima i fondacijama Bosne i Hercegovine i članom 4. Pravilnika o načinu vođenja registra udruženja i fondacija Bosne i Hercegovine i stranih i međunarodnih udruženja i fondacija i drugih neprofitnih organizacija za upis promjena u Registru udruženja, pa je odlučeno kao u dispozitivu.

Na ovo Rješenje naplaćena je administrativna taksa u iznosu od 50,00 KM za upis promjena u Registru udruženja, u skladu sa Tarifnim brojem 108. Odluke o dopuni tarife administrativnih taksi („Službeni glasnik BiH“ broj: 73/17).

#### Pouka o pravnom lijeku:

Protiv ovog rješenja nije dopuštena žalba, ali se može pokrenuti upravni spor tužbom pred Sudom Bosne i Hercegovine. Rok za podnošenje tužbe je 60 dana od dana prijema ovog rješenja.

Dostavljeno:

- PMI Udruženje u Bosni i Hercegovini  
Ulica Jukićeva broj 36,  
71 000 Sarajevo
- Zbirka isprava;
- JP NIO "Službeni list BiH".

